

4. Inventarizasiya bo'yicha solishtirish qaydnomalarini tuzish

4.69. Solishtirish qaydnomalari inventarizasiyada hisob ma'lumotlaridan tafovutlar aniqlangan qiymatliklar bo'yicha tuziladi.

Solishtirish qaydnomalarida inventarizasiya natijalari, ya'ni buxgalteriya hisobi ma'lumotlari bo'yicha ko'rsatkichlar va inventarizasiya ro'yxatlari (dalolatnomalari) ma'lumotlari o'rtasidagi tafovutlar aks ettiriladi.

Tovar-moddiy qiymatliklarning ortiqcha va kamomadi qiymati solishtirish qaydnomalarida ularning buxgalteriya hisobidagi bahosiga muvofiq keltiriladi.

Inventarizasiya natijalarini rasmiylashtirish uchun inventarizasiya ro'yxatlari (dalolatnomalari) va solishtirish qaydnomalarining ko'rsatkichlari birlashtirilgan yagona registrlar qo'llanishi mumkin.

Korxonaga tegishli bo'lmagan, lekin buxgalteriya hisobida qayd etilgan (mas'ul saqlashda bo'lgan, ijaraga olingan, qayta ishlash uchun olingan) qiymatliklarga alohida solishtirish qaydnomalari tuziladi.

Solishtirish qaydnomalari texnika vositalari, axborot tizimi va axborot texnologiyalaridan foydalangan holda yoki qo'lda tuzilishi mumkin.